


15. maí 2003

## Atvinnuleysi er farið að minnka

Í nýútkomnu riti fjármálaráðuneytisins um [Þjóðarbúskapinn](#) er ítarlega fjallað um þróun atvinnuleysis, en það fór vaxandi samhliða því sem hagsveiflan tók stefnu niður á við. Áður en atvinnuleysið tók að vaxa var það mjög álíka í mismunandi atvinnugreinum nema í fiskvinnslu þar sem það var umtalsvert meira en annars staðar. Atvinnuleysið jókst fyrst í ýmsum þjónustugreinum en síðan í flestum atvinnugreinum sem bendir til þess að samdrátturinn hefur verið mjög almennur í hagkerfinu. Nú hefur Vinnuálagstofnun birt tölur um atvinnuleysi í mars og apríl, sem ekki lágu fyrir þegar gengið var frá vorskýrslunni um Þjóðarbúskapinn. Þær staðfesta það sem þar var sagt að atvinnuleysið væri farið að minnka. Á myndinni hér fyrir neðan má sjá fjölda atvinnulausra einstaklinga í lok hvers mánaðar allt til loka apríl. Nú eru innan við 5.800 einstaklingar skráðir atvinnulausir og hefur fækkað um 400 eða 6,8% frá því flest var. Árstíðaleiðrétt atvinnuleysi var 3,2% af áætluðu vinnuafli í lok apríl.

Fjöldi skráðra atvinnulausra í lok mánaðar



Atvinnuleysi hefur að vísu aukist nokkuð í atvinnugreinum þar sem það var mjög lágt fyrir en það hefur minnkað í flestum atvinnugreinum en þó minnst í fiskvinnslu að hlutfalli til við fjölda starfandi í greininni.


Í Þjóðarbúskapnum var atvinnuleysi greint eftir því hvað það hefur varað lengi. Lengd atvinnuleysis gefur mikilvægar vísbendingar um það sem er að gerast á vinnumarkaði, auk þess sem það er eftir því erfiðara fyrir fólk að fá aftur vinnu sem það hefur verið lengur atvinnulaust.

Á myndinni hér til hliðar sést að fjöldi þeirra sem hafa verið að missa vinnuna og verið skráðir atvinnulausir innan við 4 vikur hefur farið stöðugt minnkandi. Í janúar voru þeir yfir 1.200 en voru um síðastliðin mánaðarmót rúmlega 700. Fjöldi þeirra sem hafa verið atvinnulausir milli 4 og 8 vikur hefur sömuleiðis minnkað frá því í febrúar þegar þeir voru 1.800. Þeir eru nú um 1.150. Öfugt við þá sem hafa verið atvinnulausir innan við mánuð er hluti af fækkuninni skýrður með því að þar til í apríl fjölgaði í hópi þeirra sem hafa verið atvinnulausir lengur en 8 vikur. Þeim byrjaði síðan að fækka í apríl sem er mjög ánægjuleg vísbending um jákvæða þróun á vinnumarkaðinum.

Þær upplýsingar sem hér hefur verið fjallað um gefa tilefni til að álykta að nú þegar atvinna er að aukast á ný sé það mun fremur fólk sem hefur verið skemur atvinnulaust sem er að fá vinnu en þeir sem hafa verið án atvinnu

mjög lengi. Aftur á móti er það áhyggjuefni að fjöldi þeirra sem hafa verið atvinnulausir lengur en hálf ár heldur áfram að vaxa. Fjölmennasti hópurinn og sá sem hefur stækkað mest innan þessa flokks eru þeir sem hafa verið atvinnulausir 6-9 mánuði. Það er mikilvægt markmið að gera þessum hópi kleift að snúa til baka í arðsöm störf. Til þess getur þurft endurmenntun og þjálfun en einnig hugsanlega sérstaka hvatningu til atvinnurekenda til að ráða þetta fólk til starfa á ný. Með því yrði spornað gegn því að langtímaatvinnuleysi grafi um sig. Jafnframt yrði framleiðslugeta hagkerfisins til lengri tíma bætt

Fjöldi atvinnulausra eftir lengd atvinnuleysis



## Endurútgáfa laga um tekjuskatt og eignarskatt.

Í dag 15. maí birtast í Stjórnartíðindum endurútgæfin [lög um tekjuskatt og eignarskatt nr. 90/2003](#). Lögín sem eru að stofni til frá árinu 1978 voru síðast endurútgæfin á árinu 1981. Það eru því liðin rúmlega 20 ár frá síðustu útgáfu. Greinaræð hefur tekið nokkrum breytingum, auk þess sem fjöldi bráðabirgða-ákvæða hefur verið felldur brott. Þær efnisbreytingar sem gerðar voru á lögnum á vörþingi hafa verið færðar inn, jafnframt því að allar viðmiðunar-fjárhæðir laganna eru nú komnar inn í meginmálið.

## Námsviðurkenning fjármálaráðuneytisins

Fjármálaráðuneytið hefur ákveðið að veita tvær viðurkenningar, að fjárhæð 250 þúsund krónur hvora, fyrir meistaraþrófsritgerð í hagfræði eða viðskiptafræði við innlendar eða erlendar menntastofnanir. Viðurkenningarnar eru fyrir verkefni sem unnin eru á skólaárinu 2002/2003. Skilyrði fyrir námsviðurkenningu er að viðfangsefnið sé á sviði efnahags- og ríkisfjármála enda markmiðið að efla sérstaklega fræðilegar athuganir á þessu sviði.

Frekari upplýsingar um þessar viðurkenningar, auk umsóknareyðublaða, er að finna á vef ráðuneytisins, [www.fjr.is](http://www.fjr.is). Umsóknun skal skilað til efnahagsskrifstofu ráðuneytisins fyrir 1. október n.k.

## Þjóðarbúskapurinn er kominn út

Athygli lesenda vefrísins er vakin á því að vorskýrsla fjármálaráðuneytisins um þjóðarbúskapinn er nú komin úr prentun og er hægt að nálgast eintök á skrifstofu ráðuneytisins í Arnarhvíli.

| Tekjur ríkissjóðs jan-mars |           |           |
|----------------------------|-----------|-----------|
|                            | 2001-2002 | 2002-2003 |
| 12 mánaða breytingar, %    |           |           |
| Skatttekjur alls           | 2,9       | 5,0       |
| Tekjuskattar               | 8,3       | 0,0       |
| Tryggingagjöld             | 10,9      | 3,5       |
| Eignarskattar              | -17,5     | -8,6      |
| Veltuskattar               | -0,9      | 11,1      |
| Tekjur alls                | 2,7       | 23,2      |

| Gjöld ríkissjóðs jan-mars |           |           |
|---------------------------|-----------|-----------|
|                           | 2001-2002 | 2002-2003 |
| 12 mánaða breytingar, %   |           |           |
| Almenn mál                | 22,1      | -4,0      |
| Félagsmál                 | 13,1      | 12,2      |
| Atvinnumál                | -4,0      | -4,2      |
| Vaxtagjöld                | -51,7     | 46,6      |
| Önnur útgjöld             | 9,2       | 14,7      |
| Gjöld alls                | 0,8       | 10,7      |

| Greiðsluafkoma ríkissjóðs jan-mars |         |        |
|------------------------------------|---------|--------|
| M.kr.                              | 2002    | 2003   |
| Handbært fé frá rekstri            | -491    | -4.340 |
| Hr. lánsfjárfjöfnuður              | 65      | 6.405  |
| Afborganir lána                    | -10.753 | -4.953 |
| Br. lánsfjárfjöfnuður              | -12.938 | -424   |
| Lántökur                           | 15.634  | 5.081  |
| Greiðsluafkoma                     | 2.696   | 4.657  |

| Ýmsar helstu hágtölur       |      |      |
|-----------------------------|------|------|
| 12 mánaða br., %            | 2001 | 2002 |
| Verðbólga- apríl 2003       | 5,9  | 2,2  |
| Kjarnaverðb.1.- apríl 2003  | 7,5  | 2,6  |
| Launavísitala -mars 2003    | 8,7  | 5,7  |
| Heildarvelta janúar-desemb. | 12,7 | -8,4 |
| Smás.velta janúar-desemb.   | 6,2  | 3,9  |
| Atvinnuleysi - apríl 2003   | 2,6  | 3,9  |